

— Յանուն Ազգ. եկեղ. Հոգաբարձութեան թրոյ քաղաքի Ամերիկայի ընդ օրում յղեցաւ խաչ մի ձեռաց վասն եկեղեցւոյ տեղւոյն. Թ. 235.



ՔԱՂԱՒԱԾԻ ՍԻՆՕԴԻ ՍԻԱԿՐՈՒԹԻՒՆՆԵՐԻՅ

Փետրվար 1-ի օրագրութեամբ Սինօդը որոշեց մերժել Կոռնձոր գիւղի (Տաթևու վիճ.) նախկին քահանայ Գրիգոր Տէր Սողոմոնեանի և նոյն գիւղի ժողովրդականաց խնդիրը Տէր Սողոմոնեանին քահանայական կարգը վերադարձնելու մասին:

Փետրվար 3-ի օրագրով, ըստ կոնդակի Վեհափառ Կաթողիկոսի, Սինօդը կարգեց վանահայր Ճալէթու Տ. Սահակ վարդապետ Բաղդասարեանցին:

Նոյն օրը Սինօդը որոշեց ազդարարել վանքապատկան գիւղերի (Վաղարշապատի, Օշականի, Եղուարդի, Մաստարի և Մօղնու) ժողովրդականաց, որ այն անձինք, որոնք ժառանգութիւն են ստացել, կամ որոնց Սինօդը յատկացրել է տնատեղի և այգետեղի և նրանք վաճառել են ուրիշներին և կամ կվաճառեն, այդպիսիներին ու նրանց ժառանգներին նոր տնատեղի և այգետեղի չի տրուիլ:

Փետրվարի 6-ին Սինօդը որոշեց ապացուցուած համարել Քրիստափոր Լեւնիկեանի պոռնկութիւնը, լուծել նրա պսակը Մարիամ Վարդանեանի հետ վերջնիս արտօնելով նոր ամուսնութիւն մտնել:

Նոյն օրը Սինօդը որոշեց ապացուցուած համարել Նունէ Փրիգոնեան Ազիզեանցի պոռնկութիւնը և լուծելով նրա պսակը Սիրական Ազիզեանի հետ, թոյլ տալ վերջնիս մտնել նոր ամուսնութիւն:

Նոյն օրը Սինօդը լսեց Ղարաբաղի Կոնսիստորիայի յայտարարութիւնը գրուած յունվար 15-ին № 44 Աղդաշ

աւանի աղօթատան շինութեան առթիւ, որ հայ-թրքական ընդհարումների պատճառով Աղդաշի հայ ժողովուրդը ցրված է այլ տեղեր, իսկ Սամսոն Դեանջեցեանը, որ խոստացել էր իր ծախքով շինել աղօթատունը՝ սպանված է, խնդրում է կարճել այդ գործը, որոշեց կարճել:

Նոյն օրը Սինօդը մերժեց Երևան քաղաքի ս. Սարգիս եկեղեցու ծխատէր քահանաների խնդիրը՝ ս. Լուսաւորիչ եկեղեցին տեղափոխուելու մասին, պատուիրելով վիճ. Կոնսիստորիային շրջաբերականով յայտարարել բոլոր քահանաներին, որ նրանք կարող են և պարտաւոր են իրանց ծխականների բոլոր օրինակատարութիւնները կատարել այլ եկեղեցիներում ըստ ցանկութեան ծխականների և ծխականների խնդրանք պատարագել բացի տէրունական և մեծ տօնական օրերից, երբ պատարագիչ է լինելու եկեղեցու հերթական քահանան:

Փետրվարի 15-ին Սինօդը որոշեց Գէորգեակ քաղաքից ստացված եկեղեցական անօթների և զգեստների կապոյն ուղարկել Երևանի Փոխ-թեմակալին կողոպտված եկեղեցիների վրայ մասնադրելու:

Նոյն օրը Սինօդը ըստ հեռագրական հրամանի Վեհափառ Հայրապետի, Բենիկ վարդապետի փոխարէն կարգեց քննիչ Եղիշէ ծ. վարդապետ Մուրադեանին Տփլիսի Կոնսիստորիայի ծառայողների զեղծումների մասին:

Փետրվարի 17-ին Սինօդը որոշեց տալ Տփլիսի Էջմիածնապատկան կալուածների կառավարիչ Եփրեմ վարդապետ Սուքիասեանին օրինասահման հաւատարմագիր:

Փետրվարի 20-ին Սինօդը որոշեց պայմանաւորուել գիւղատնտես Կ. Մ.-Շահնազարեանի հետ 5 տարի ժամանակաւ տարեկան 2000 ռուբլի ռոճկով Էջմիածնապատկան վարելահողերը, այգիներն ու ագարակը շահագործելու և բարեկարգելու համար:

Փետրվարի 22-ին Սինօդը պատուիրեց Երևանայ Կոնսիստորիային ի հաշիւ եկեղեցիների փաստաբան վարձել:

և քաղաքացիական դատ բանալ եկեղեցիների դրամաների և դարդու անօթեղէնների կողոպտողների դէմ, թարգմանելով ուղարկել Երևանայ Գեներալ-Նահանգապետին կողոպտված եկեղեցիների և գոյքերի ցուցակը կարևոր զեկուցումների հետ, որ աջակցութիւն ցոյց տայ եկեղեցիների գոյքը կողոպտված եկեղեցիներին վերադարձնելու, և յանցաւորներին քրէական դատի ենթարկել ըստ օրինի պատերազմական դրութեան, և նոյն զեկուցումների ու ցուցակների թարգմանութիւնն ուղարկելով Տ. փոխարքային խնդրել ձեռնարկել ամենակտրուկ միջոցի դադարեցնելու զինուած թուրքերի ձեռքով անպաշտպան եկեղեցիների և սրբազան անօթների կողոպտումն Երևանի Նահանգում և այլ տեղերում:

Նոյն օրը Սինօդը որոշեց իսպառ կուրութեան պատճառով դադարեցնել քահանայադործութիւնից Տփլիսի ս. Կարապետ եկեղեցու Սիմէօն քահ. Աբրահամեանցին, յանձնել նրա ծուխը այլ քահանայի, որ արդեանց $\frac{2}{3}$ մասը պարտաւոր է յանձնել Սիմէօն քահանային:

Նոյն օրը Սինօդը որոշեց ի նկատի Էունենալով Երևանի ս. Լուսաւորիչ եկեղեցու ա. քահանայ Գրիգոր Սուքիասեանցի զղջումն և Երևանի Փոխ-թեմակալ Կարապետ վարդապետի ներումն, գործը կարճել և Գրիգոր ա. քահանայից պահանջել քննիչ Մխիթար վարդապետի ճանապարհի և սննդեան ծախքը:

Նոյն օրը Սինօդը որոշեց ճալէթու վանքի նախկին վանահայր Թադէոս վարդապետ Նիկողայոսեանին կարգել Տեսուչ ս. Եղիշէ Առաքելոյ ուխտատեղու վրայ:

Նոյն օրը Սինօդը որոշեց յանձնարարել թեմակալ առաջնորդներին ըստ 1176 և 1181 յօդ. IX. մ. XI. հատ. անշուշտ այցելել իրանց հօտին և ուսումնասիրելով եկեղեցիների, վանքերի, կալուածների վիճակը, վերաքննելով ստորադրեալ հաստատութիւնների և պաշտօնական անձանց գործողութիւնները այդ բոլորի մասին մանրամասն.

դեկուցանել Սինոդին, որպիսի դեկուցումն ցարդ թեմակալ առաջնորդներից ոչ ոք չի ներկայացրել:

Նոյն օրը Սինոդը թոյլ տուեց Չամբուրա գիւղի Հրաչեա Պօղոսեան Նիկողայոսեանին ամուսնանալ Շողակաթի հետ խնամութեան չորրորդ աստիճանում՝ ի մէջ երկուց խնամութեանց:

Փետրվարի 24-ին որոշեց պահանջել Քիչնէի եկեղեցու Բարսեղ ա. քահ. Ղազանճեանից 73 ռ. 24 կ. որ նա իր երեսփոխանական պաշտօնավարութեան ժամանակից (1897 թ.) ցարդ չի վճարել նոյն եկեղեցուն:

Փետրվարի 27-ին Սինոդը որոշեց Վաղարշապատ գիւղի համար հարկաժողով լինել ցանկացողների խնդիրը և հարկաժողով կարգել միաբան Անտօն վարդապետ Վարդաղարեանցին:

Նոյն օրը Սինոդը որոշեց ըստ կարգադրութեան Վեհափառ Հայրապետի տալ Կիւրեղ վարդապետ Կիւրեղեանին 150 ռ. բժշկվելու գնալու համար:

